

GEFF O'zbekiston - Hamkorbank

Mamlakat:	O'ZBEKISTON
Loyiha raqami:	52861
Faoliyat sohasi:	Depozitar kredit (banklar)
Bildirishnoma turi:	XUSUSIY
Ekologik toifasi:	FI (moliyaviy muassasa)
Tasdiqlanish muddati sanasi:	2021-yil, 21-iyul
Qaysi bosqichdaligi:	Boshlang'ich
Loyihaning qisqacha mazmuni	
chop etilgan sana:	2021-yil, 15-iyun

Loyiha mazmuni

Chet el kapitali ishtirokidagi "Hamkorbank" aksiyadorlik tijorat bankiga ("Hamkorbank" ATB) uch yil muddatga 10 million AQSH dollari ekvivalentidagi birinchi navbatdagi ta'minotsiz kredit. Bu kredit mahalliy valyutada bitta transh bilan o'tkaziladi. Mazkur kredit mablag'lari O'zbekistonda yashil iqtisodiyotni moliyalashtirish mexanizmi (GEFF O'zbekiston) doirasida ajratiladi. Ushbu kredit mablag'lari texnik va moliyaviy muvofiqlik mezonlari asosida tegishli kichik loyihalarni amalga oshirishni ko'zlagan maqbul sub-qarz oluvchilarga beriladi. Muvofiqlik mezonlariga ko'ra, sub-qarz oluvchilar investitsion imtiyozlarga ega bo'ladilar.

Loyiha maqsadi

Bu loyiha "Hamkorbank" ATBga o'z mahsulotlari turlarini kengaytirish hamda mamlakatdagi xususiy mijozlarga iqlim o'zgarishi oqibatlarini kamaytirish va yashil iqtisodiyotga o'tishni qo'llab-quvvatlovchi moslashtirish texnologiyalari hamda xizmatlariga investitsiya kiritish uchun muddatli moliyaviy mablag'lar taqdim etish imkonini beradi.

O'tish davri ta'siri

ETI: 70

Loyiha yashil iqtisodiyotga o'tish (Green Economy Transition) yo'lida xizmat qiladi.. U energiya samaradorligiga investitsiyalarni oshirishga ko'maklashish va xususiy sektordagi sub-qarz oluvchilarni (masalan, yuqori samarali yashil texnologiyalar asosidagi korxonalar, yetkazib beruvchilar va xizmat ko'rsatuvchilar) kreditlash, shuningdek bunday loyihalar uchun ijobiy yondashuv samaradorligini ta'minlash orqali O'zbekistonda yashil iqtisodiyotni shakllantirishga hissa qo'shadi.

Mijoz haqida

“HAMKORBANK” ATB

“Hamkorbank” ATB O‘zbekistondagi eng yirik xususiy bank hisoblanib, u MKO‘B korxonalarini kretitlashda katta tajribaga ega. Bu bank aktivlari bo‘yicha boshqa banklar orasida sakkizinchi o‘rini egallaydi (bozordagi hissasi 3%). Bu bank aksiyalarining nazorat paketiga mahalliy tadbirkor Ikrom Ibragimov egalik qiladi. FMO, IFC va responsAbility kabi tashkilotlar bu bankning hissadorlari sanaladi.

YTTBdan ajratiluvchi moliyaviy mablag‘lar

10 000 000,00 AQSH dollari

8,2 million yevro ekvivalentida.

Loyihaning umumiy qiymati

10 000 000,00 AQSH dollari

Ekologik-ijtimoiy xulosa

FI toifasiga mansub (ESP¹ 2019) “Hamkorbank” ATB Bankning joriy mijozlaridan hisoblanadi. Tevarak atrof va ijtimoiy muhitni boshqarish rejasi (ESMS) 9-loyiha talabiga (PR) to‘liq mos keladi hamda yangilangan istisnolar ro‘yxati va yo‘llanmalar ro‘yxatini o‘z ichiga olgan yangi ESP 2019 uchun barcha jihatdan muvofiqdir. Bu moliyaviy mablag‘lar umumiy atrof muhit va ijtimoiy xavf darajasi odatda past yoki o‘rtacha bo‘lgan va ESMS maqbul deb hisoblangan energiya jihatidan samarador investitsiyalarga sarflanishi kutilmoqda.

“Hamkorbank” ATB 2 va 4-loyiha talablariga (PR), YTTBning korporativ, kichik va o‘rta biznes korxonalari va mikrokreditlar uchun atrof-muhit va ijtimoiy xatarlarni boshqarish tartib-qoidalariga amal qiladi hamda YTTBga har yili ekologik va ijtimoiy hisobotlarni topshiradi. Shuningdek, “Hamkorbank” ATB qayta tiklanuvchi energiya manbalari sohasidagi loyihalar uchun atrof muhit va ijtimoiy muvofiqlik mezonini joriy qilishi kerak bo‘ladi va ular har bir kichik loyiha uchun ham amal qiladi.

Texnik ko‘mak

“Hamkorbank” ATB GEFF O‘zbekiston loyihasi mexanizmini amalga oshirishni qo‘llab-quvvatlashga mo‘ljallangan texnik ko‘mak majmuaviy paketidan foydalanish imkoniyatiga ega bo‘ladi. GEFF O‘zbekiston doirasida ishtirokchi banklar foydalanishi mumkin bo‘lgan jami texnik ko‘mak paketi 3,5 million yevroni tashkil qiladi. Mazkur texnik ko‘mak YTTB Ta’sischilarining maxsus fondi (“SSF”), TaiwanBusiness-YTTB texnik ko‘mak jamg‘armasi (TWTC) va ilk o‘tish davrida bo‘lgan mamlakatlarda energiya samaradorligi sohasidagi dasturlar uchun Avstriya hududiy jamg‘armasi tomonidan ko‘rsatiladi.

¹ Tevarak atrof va ijtimoiy muhit nizomi

Bu kredit liniyasida Bank siyosati tartib qoidalarida belgilangan darajalar va muvofiqlik mezonlariga binoan sub-qarz oluvchilarga investitsion rag'bat sifatida to'lanadigan, jami 1,1 million AQSH dollari miqdorida hamkorlikdagi investitsiya grantlari ham ko'zda tutilgan. Hamkorlikdagi investitsiya grantlari SSF tomonidan beriladi.

Qo'shimchalilik sharti

Qo'shimcha shartlar quyidagilar majmuasi orqali erishiladi: (i) o'ta zarur o'rta muddatli moliyalashtirish; (ii) yashil iqtisodiyotni moliyalashtirishning innovatsion vositalari va (iii) me'yorlarni belgilash.

Kompaniyaga murojaat qilish uchun ma'lumot

Aleksandr Xan

khan.alexander@hamkorbank.uz

<https://hamkorbank.uz/en/>

O'zbekiston Respublikasi, 170119. Andijon shahar, Bobur shohko'chasi, 85-uy

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com electron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzdagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb saytiga](#) kirishingiz

yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com electron pochta orqali biz bilan bog'lanishingiz mumkin.